

## FEL TAURI INSPISSATUM.

R. Fellis Tauri recentis q. pl.

Vaporet in concha vitrea in Balneo arenæ  
ad Extracti solidioris consistentiam.

## FLORES BENZOINI.

R. Benzoes in frustula minora comminutæ  
quantum placet.

Immitte ollæ terreæ, cuius orificio impo-  
natur conus fortis chartaceus & sat altus. Igne  
moderato, ut Benzoe fluat, sublimentur flo-  
res nivei, qui sæpius de cùculo eximantur.  
Hi ubi fuscescere incipiunt, tollatur olla ab  
igne, & frigefacta tusaque massa indatur re-  
tortæ vitreæ, & excipulo apposito destilletur  
ex Balneo arenæ. Prodibunt adhuc flores  
cum oleo nigricante odoris non ingratii. Fi-  
nita destillatione flores ope aquæ fervidæ so-  
luti ab oleo separentur, qui ex eadem frige-  
facta denuo crystallisati auferantur. Oleum  
Benzoes vero seorsim servetur.

Si singulis libris Benzoes ante destillationem  
aliquot unciae adduntur spiritus vini, collo re-  
tortæ bene purgato, obtinetur non raro por-  
tio

tio *Olei Benzoini* fragrantis, limpidissimi, & instar aquæ excoloris.

Potest etiam sine prævia sublimatione integer institui processus ex retorta supra dicto modo.

FLORES SALIS AMMONIACI  
MARTIALES.

℞. Salis ammoniaci.

Lapidis Hæmatitæ partes æquales.

Tusa in pulverem commisceantur, immittantur in cucurbitam vitream, & imposito capitello instituatur sublimatio in Balneo arenæ. In principio prodit parva portio liquoris alcalini volatilis, qui, si lubet, lagenula ad rostrum capitelli appensa excipi potest. Sequuntur flores variæ flaventes, qui, frigefacto apparatu tollantur, & in vitro exakte clauso serventur.

FLORES SALIS AMMONIACI  
SIMPLICES.

℞. Salis ammoniaci quantum placet.

Solve in sufficiente quantitate aquæ; solutionem filtra, & evapora, ut in crystallos niveas

veas coeat, quæ serventur exsiccatæ. Perge evaporare lixivium reliquum, donec nihil amplius crystallisetur.

### FLORES SULPHURIS.

¶. Sulphuris ruditer tusi quantum placet.

Immissum cucurbitæ terreæ adaptatisque vasculis nonnullis sibi superpositis ad hunc processum idoneis (vulgo *Aludel* dictis) in summitate capitello perforato terminatis, igne moderato sublimetur. Sublimatum sic sulphur sub nomine *florum* servetur.

### FLORES ZINCI.

¶. Zinci quantum placet.

Immitte crucibulo triangulari; cui superimponere aliud simile crucibulum inversum, ita ut anguli utriusque alternentur. Stent inter medios carbones, ut Zincum in fluorem deducatur. Sic Zincum inflammam exardescet, & sublimabuntur flores albi, qui successive utrumque crucibulum implebunt. Dum propter flores nimios superficie suæ inhærentes Zincum inflammari cessat, rutabulo ferreo flores amoveantur, ut de novo exardeat, quod repe-

ten-

tendum, donec omne Zincum in flores sit conversum. Interea flores de utroque crucibulo pro rei necessitate sæpius tollantur.

Hi flores si satis albi non sunt, per parvas portiones injiciantur successive in aliud crucibulum candens, & calcinetur, ut casu adhærens adhuc phlogiston abigatur, quo abscent debite.

## GLOBULI CARMINATIVI

*vide:*

## SUPPOSITORIA.

## GLOBULI AD ERYSIPELAS

*vulgo*

## MONIALIUM SANCTÆ ELISABETHÆ.

℞. Pulveris Aluminis crudi unc. iij.

Salis ammoniaci unc. iβ.

Solvantur in

Aquæ communis libr. iβ.

Cum hac solutione lævigentur super porphyrite.

Cretæ albæ purissimæ libr. iiiβ.

Cerussæ libr. ij.

Pharmacop.

N

ulti-